

四庫全書

子部

欽定四庫全書

萬姓統譜卷二十九

明 凌迪知 撰

下平聲

二蕭

蕭

河南角音宋徽子支孫封為蕭以邑為氏又望出蘭陵

周蕭大心

左傳宋人

蕭史

善吹簫作鳳鳴秦穆公以女弄玉妻焉作鳳樓教弄玉吹簫感鳳來集後隨鳳飛去

漢蕭何

沛之豐人初為沛主吏掾高祖為亭長何常左右之及從入關獨先收秦律令圖書藏之漢楚

爭雄何常守關中轉給餽餉軍中無乏天下既定以功第一封鄧侯為開國名相卒諡文終

**蕭望之**

字長倩東海蘭陵人徙杜陵素有重望仕至太子太傅宣帝疾篤受遺詔輔政領尚書事

元帝即位望之以師傅見重多所匡正後為弘恭石顯所害

**蕭育**

字次君杜陵人望之子以父任為太子庶子後為茂陵令歷司隸校尉右扶風誅捕鄠縣賊哀

帝時以南郡江中多盜拜南郡太守育至郡盜靜以病去官復起為光祿大夫執金吾以壽終育少與陳咸朱博友善故長安語曰蕭朱結綬言其相薦達也

**蕭咸**

字仲為望之子為丞相史舉茂才累遷河東太守所居有迹時董賢父恭慕之欲求咸女為婦

使中常侍王閎言之咸惶恐不敢當謂曰董公大司馬冊乃克禪舜之文非三公故事長老見

者莫不心懼此豈家人女子所能堪耶後  
為護軍都尉中郎將使匈奴官至大司農

蕭由

字子驕望之子為丞相西曹衛將軍掾遷蜀者  
使匈奴副校尉後舉賢良為定陶令遷安定太

守治郡有聲平江賊有功為陳  
留太守元始中徵為大鴻臚

蕭綦

漢末修道天平山延壽宮善吹簫能至  
鳳鸞翔集號碧霄真人道成白日沖舉

蕭之

漢尚書郎常有雉十餘隨至岐及  
下飛鳴於車前人以為孝感所致

南  
北蕭僧珍

宋元嘉末為山陽太守會魏人入寇僧珍蓄  
陂水令滿待其至決以灌之魏人至山陽不

攻敵

蕭紇

字景業宋武帝時為雍州刺史加都督紇留心  
辭訟人人呼至案前親自顧問有不得理者勉

辭之退皆無恨為百姓所畏愛及卒喪還百姓  
緣河水而泣設祭于峴山為立祠謚曰昭侯

蕭募之

蘭陵人宋元嘉時為丹陽尹上言佛入中國  
已歷四代形象塔寺所在千數材竹銅鉢糜

捐無極無闕神祇有累人事不為之防流患未  
息請自今欲鑄銅象皆得列言須報乃得帝從  
之

蕭道度

齊高祖兄也始兄弟俱受學于雷次宗父問  
二子學業次宗曰其兄外明其弟內潤皆良

也瑾

蕭摩訶

字元胤南蘭陵人果毅有勇力任陳屢從吳  
明徹北伐領騎深入敵陣縱橫奮擊無不拔

靡明徹謂其材不減關張以其功歷  
車騎大將軍封建綏郡公改授侍中

蕭鏗

齊南豫州刺史鎮姑孰時人發桓溫女塚得金中箱織金為篋為匱器又有金蠶銀繭等物甚

多鏗自往修復纖毫無犯輿論賢之

蕭景

字子昭好學才辨有識斷齊明帝時為永寧令為百城最永嘉太守勝郡門曰諸縣有疑滯者

可就永寧令決

蕭叡明

南蘭陵人初任員外殿中將軍母病躬禱夕不假寐及亡不勝哀而卒永明五年齊世祖

詔曰叡明喪過乎哀遂致毀滅可贈為中書郎

蕭赤斧

錢塘令治政為百姓所安時議推重

蕭穎達

蘭陵人齊光祿大夫赤斧子兄穎胄建武末為西中郎外兵參軍從高祖攻郢城平江州

破東昏將李居士又下東城  
以功封吳昌縣侯卒謚康

蕭正仁

士齊為吳興  
太守有治能

蕭子良

字雲英齊武帝第三子子良在宋敦義愛古  
郡人朱百年有至行先卒賜其妻米百斛蠲

一人給  
其薪

蕭敷

字仲達少有學業仕齊為隨郡內史招  
懷遠近士庶安之以為前後之政莫及

蕭子雲

字景喬蘭陵人善草隸嘗飛白大書蕭字  
孝約得之結一亭扁為蕭齋歷國子祭酒

蕭思話

南蘭陵人宋孝懿皇后弟子也父源之徐充  
州刺史思話少未知書隣曲皆惠毒之自此

折節數年遂有令譽元嘉中為青州刺史孝武  
時徵為尚書左僕射後拜鄭州刺史加都督卒

諡曰穆子  
惠開惠基

蕭立

南蘭陵人年十七射策甲科仕梁自廷尉評再遷殿中侍御史文學政事為臺閣領袖獨孤及

序其文比  
之賈馬云

蕭惠開

遷御史中丞百僚憚之拜益州刺史屢用威刑蜀人號曰卧虎

蕭惠基

歷中書黃門郎任齊為都官尚書立身退素朝廷稱為善士弟惠休惠朗惠蒨俱以仕顯

蕭琛

字彥瑜惠開從子仕梁嘗預御筵醉伏武帝以乘投之琛取栗擲帝正中面曰陛下投臣以赤

心臣敢不報以戰栗上每呼為宗老

蕭洽

字宏稱惠基子七歲能誦楚辭好學善屬文累遷臨海太守為政清平人俗便之



蕭眎素

惠基子天監中任丹陽尹梁武帝賜錢八萬一朝散之親友榮利不關於中喜怒不形於

色後為諸暨令到縣十餘日挂衣冠於縣門而去謚曰貞文先生

蕭介

字茂鏡會侍中闕帝曰我門中久無此職宜用蕭介為之應對左右多所匡正遷都官尚書每

軍國大事必先訪介帝謂朱异曰端右材也

蕭允

字叔佐介子風神凝遠通達有識鑒始仕梁為太子洗馬侯景陷臺城百寮奔散允獨整衣冠

坐宮坊景軍敬馬弗之逼

蕭引

字升休善書為當時所重陳宣帝嘗披奏事指引署名曰此字筆趣翩翩如鳥之欲飛引謝曰

此乃陛下假其毛羽耳

蕭統

小字維摩梁武帝太子讀書五行俱下五歲誦五經注文選三十卷注陶潛詩集并序年三十

一卒朝野痛之謚昭明

蕭撫

字智遐蘭陵人梁武帝弟博覽經史仕梁為太子洗馬守成都魏太祖遣大將軍尉遲迴入劍閣至成都撫見兵少遂為城守之計力窮請降共迴升壇歃血立盟以城歸國任魏為上州刺史元旦放囚歸家如期而至秩滿部民上表乞留累官少傳封蔡陽郡公謚曰襄

蕭明

蘭陵人梁長沙王懿子封須陽侯太清中梁主既納侯景詔明率軍趨彭城圖進取明渡淮未幾官軍破之盡俘其衆魏執明送晉陽天保六年梁元為西魏所滅顯祖詔立明為梁王遂稱尊號改承聖四年為天成元年大赦天下後梁太尉陳霸先以明為太傅奉表朝廷詔徵明仍

稱藩將會疽發背死王琳  
即帝位追諡明曰皇帝

蕭祗

字敬式梁武帝弟南平王偉之子在梁封定襄侯位揚州刺史時政寬人慢祗尤蒞以嚴切梁

武悅之遷北兖州刺史及侯景圍建鄴臺城失守乃奔東魏封清河郡公齊大保初授光祿大

夫卒贈揚

州刺史

蕭子恪

字景冲豫章王琰之子初封南康縣侯年十  
二和從兄竟陵王高松賦衛軍王儉見而奇

之累官吳郡太守

卒贈侍中諡曰恭

蕭退

梁武帝鄱陽王恢之子在梁封湘潭侯位青州  
刺史建鄴陷與從兄祗俱入東魏齊天保中位

金紫光祿大夫子慨深沉有禮學工  
草隸書南士中稱為長者歷官司徒

蕭惠休

永明四年為廣州刺史  
弟惠朗位左戶尚書

蕭象

字世翼容止閒雅簡於交游事所生母以孝聞  
任丹陽尹象生長深宮逮親庶政舉無失德朝  
廷稱之再遷湘州刺史加都督湘州舊多猛獸  
為暴及象任州日四猛獸死于郭外自此靜息  
父老咸稱德政所感歷任太常  
卿加侍中遷祕書監諡曰敦

蕭放

字希夷祗之子居喪以孝聞所居廬室前有慈  
烏來集各據一樹為巢午前馴庭飲啄午後更  
不下樹每臨時舒翅悲鳴全似哀泣時以  
為孝感武平中待詔文林館遷散騎常侍

蕭圓肅

字明恭蘭陵人梁武帝之孫父武陵王紀率  
兵下峽令圓肅副蕭撫守城於成都因尉遲  
迴至與撫俱降後周授驃騎大將軍遷咸陽郡  
守寬猛相濟甚有政績拜太子少傅乃作少傅

箴太子悅之隋開皇初授貝州刺史以母老請  
歸卒有文集文集文誨廣堪亂離志等書行于世

蕭勵

字文約梁天監初遷宣城內史郡多猛獸常為  
人患及勵在任獸暴為息道不拾遺男女異路

徙廣州  
刺史

蕭業

字靜曠幼而明敏徙湘州刺史舊有二猛獸為  
暴無故相枕而死郡人唐睿見猛獸傍一人曰

刺史德感神明所以兩猛獸  
自斃言訖不見衆並異之

蕭昱

字子貞武帝初為晉陵太守勵名迹除煩苛明  
法憲嚴于姦吏旬日之間郡中大安俄而暴卒

百姓行號巷哭  
里為之諠沸

蕭曄

字通明為晉陵太守美才仗氣名盛海內為宗  
推重特被簡文友愛與新喻建安南浦並預密

宴號東  
宮四友

蕭彥達

簡文第七子遷荊州刺史沮水暴長頗敗人田禾以穀二萬斛贖之使長史蕭琛簡州貧

老單丁史一日散遣  
百姓人百姓甚悅

蕭乂理

字季英梁武帝孫慷慨慕立功名每請書見忠臣烈士數曰一生之內當無媿古人後為

侯景  
所害

蕭濟

字孝康蘭陵人少好學博涉經史解褐梁祕書郎預平侯景之功封松陽縣侯陳世祖即位授

侍中歷守蘭陵等郡所在皆著聲績尋遷揚州長史高宗嘗取揚州曹事躬自省覽見濟條理

詳悉文無滯害歎其精  
練繁劇遷祠部尚書

蕭乾

字思揚蘭陵人父子範梁祕書監乾善隸書舉明經為法曹參軍除黃門侍郎是時熊雲朗等

共相連結高祖令乾往使諭以逆順并觀虛實所在渠帥並率部東開壁款附除建安太守劉異反閩中守宰並受其迫脅乾獨不屈授五兵尚書卒諡靜子

蕭確

字仲正侯景圍臺城帝使出見景景愛其膂力恒令在左右後與景獵鍾山同逐禽引弓將射

景弦斷不得發賊覺殺之

蕭綸

武帝第六子侯景陷臺城執綸不屈殺之投于江岸經日色不變鳥獸莫敢近時飛雪飄零屍

橫道路周回数步獨不霑灑

蕭嗣

字長胤性驍果有膽畧侯景遣任約攻嗣時賊方盛咸勸且止嗣按劍叱之曰今日之戰蕭嗣

効命死節之秋也及戰遇流矢中頸不許拔帶箭手殺數人賊退方命拔之應時氣絕

蕭推

字智進少清敏好屬文深為簡文帝所親賞梁武帝普通六年以王子封南浦侯歷淮南晉陵

吳郡太守所臨必赤地大旱吳人號早母馬侯景之亂守東府城陷推握節死之

蕭藻

天監初為益州刺史財貨山積悉賜將帥不有私焉還朝輕裝就路遷侍中

蕭秀

字彥達為郢州刺史加都督郢州地居衝要賦斂殷煩人力不堪至以女人供作秀務存約已

省去游費百姓安堵境內宴然

蕭憺

梁荊州刺史軍旅之後公私空乏憺勵精為治廣屯田省力役民有訟者決於俄頃曹無留事

江水壞隄憺率將吏冒雨築之雨甚或請少避憺曰王尊欲以身塞河我獨何心言終水退隄



立

蕭恢

字弘達文帝第十子幼聰敏穎七歲能通孝經論語義發擿無遺及長美風儀涉獵史籍天監

初封鄱陽郡王除

鄆州刺史加都督

蕭賚

何妥少機警住白楊巷蕭賚有雋才住青楊巷語曰世有兩萬白楊何妥青陽蕭賚

蕭映

字文明梁普通二年為吳興太守郡累不捨大通三年野殺生武康凡二十二處自此豐稔映

製嘉穀頌以

聞中詔稱美

蕭脩

字世和梁武帝時為梁州刺史秋遇蝗脩躬至田所深自咎責功曹史琅邪王庶勸脩捕之脩

曰此由刺史無德所致捕之何益言畢忽有飛鳥千羣蔽日而至即食蟲遂盡

蕭大園

字仁顯四歲能誦三都賦及孝經論語心安  
閒致嘗云間閩有優游之美朝廷有簪佩之

累北山之北棄絕人間南山之南起踰世網藉  
織草以蔭長松結幽蘭而援芳桂歌纂纂唱烏

烏可以娛神  
可以散慮

蕭子顯

字景陽子雲弟壯貌甚雅好學工屬文嘗著  
鴻序賦尚書令沈約見而稱曰可謂明道之

高致蓋幽適之流也大  
同三年為吳興太守

蕭宏

字宣達梁武帝第六子性愛錢百萬一聚黃榜  
標之千萬一庫懸以紫標豫章王綜為作錢愚

論

蕭文琰

丘令江拱並以文稱梁竟陵王夜  
集賦詩四韻刻燭一寸響絕而成

蕭約嘗手自細書五經一卷置巾箱中名巾箱五經  
愛會稽山水曰身處朱門情遊江海形入紫闥

意在

青雲

隋蕭讓

蘭陵人鄱陽王恢之孫初封攸侯荊州平與何  
安同至長安學詩書禮記春秋並通大義開皇

初爵山陰縣公國子博士奉詔與安正定  
經史後撰漢書及文選音義為當時所貴

蕭琅

千乘縣尹明習憲章碩德著績有惠  
愛為信在民民立祠祀之謚曰信公

唐蕭瑀

字時文後梁明帝子好經術歸唐封宋國公太  
宗以其武德之季有彙言賜以詩云疾風知勁

草板蕩識忠臣蕭氏自瑀至  
邁凡八葉宰相古未有也

蕭鈞

有才譽為諫議大夫盧文操盜庫財高宗以自  
盜罪死鈞曰若是則天下謂陛下重貨輕法帝

曰真諫議  
也詔原死

蕭昕

字中明河南人中博學宏詞科調壽安尉累遷禮部侍郎大歷中持節使回紇責其失禮回紇

厚禮之德宗幸奉天昕年八十餘步至奉天遷太子少傅兼禮部尚書卒年九十

蕭倣

字思道蘭陵人太和進士遷散騎常侍懿宗本佛上疏切諫尋拜嶺南節度使性公廉南方珍賄等類倣月俸之外不入門後遷司空蘭陵郡公

蕭嵩

瑀子姚崇稱其遠到十七年兼中書令在公謹密人莫見其際開元中與韓休並相荆州進柑

帝以紫羅  
帕包賜之

蕭康

做子字富侯第進士遷尚書郎倣領南海解官隨侍南海多殺紙做教詔子繕成書康諫曰州

距京師萬里書成不可露費必貯以囊得無恙  
汝嫌乎傲曰善吾思不及此故父子克保令名

蕭邁

字得賢瑀後負大節以王佐自  
許及當國風采峭整天子器之

蕭至忠

沂州人遷監察御史劾奏蘇味道賊貪曰故  
事臺元長官御史天子耳目也其所請當專

蕭穎士

字茂挺四歲屬文十歲補太學生觀書一覽  
即誦通百家譜系書籀學舉進士對策第一

補秘書正字名播天下盧異等皆執弟子禮號  
蕭夫子倭國入朝自陳國人願得蕭夫子為師  
者

蕭存

字伯誠一字成性蘭陵人梁鄱陽王恢之後穎  
士之子亮直有父風能文詞與韓愈沈既濟梁

肅徐岱等善浙西觀察使李棲筠表常熟主簿  
顏真卿在湖州與存及陸鴻漸等撰韻書數百

篇建中初由殿中侍  
御史四遷比部郎中

蕭復

字履初衡之子嘗衣垢樊居一室為學自力非  
名士夙儒不與游以清操顯衡每歎曰此子當

興吾宗推主蔭為宮門郎歷歛池二州刺史治  
狀應條遷湖南觀察使歲歛州有京畿觀察使  
儲粟復輒發以貸人普王為襄漢元帥進戶部  
尚書統軍長史拜吏部尚書同中書門下平章  
事

蕭德言

字文行明左氏春秋太宗時歷著作郎弘文  
館學士帝欲知前世得失詔魏徵虞世南褚

亮及德言哀次經史百氏帝王所以興衰者上  
之帝愛其書博而要曰使我稽古臨事不惑者  
公等力也  
賚賜尤渥

蕭膺

字次元侯官人開成初進士是歲閩中登第者四人朝士詩云幾人天上爭仙桂一歲江南折

四枝閩中自是號為文儒之鄉膺官至大理司直

蕭定

字梅臣瑀曾孫清挺歷六州治第一變姓名為張誕不汚于朱泚後擢太子太師

五代蕭儼

永新人以童子擢第及長有度量仕南唐累官大理卿兼給事中後主屢與嬖倖對奕儼入白

事舉奩投地後主大怒曰汝與魏徵孰愈儼從容曰臣若非魏徵陛下亦非唐太宗矣後主默

然罷

奕

蕭結

祁陽令不畏強禦方暮春時有州符下取競渡船刺史將臨觀結怒批其符曰秧開五葉蠶長

三眠人皆忙迫剗

甚聞船守為止

宋

蕭振

字德起平陽人舉進士官至教文閣學士知成都府兼安撫制置使振好獎善類在蜀威行惠

孚死之日民老稚皆聚哭于道家居瀕江微時見過客多溺死自造大舟傭工以濟人感其德

名曰蕭

家渡

蕭世顯

字道夫天禧初任奉化令廉公節儉撫字心勞值境內大旱躬親禱雨循行阡陌間教民

築隄捍水于長壽鄉鑿河五里引潮水以溉田次年又旱且蝗復出遂教民捕蝗至長壽禽孝

兩濟界忽中瘋暴卒益劬瘁所至云民立祠祀之今為蕭王廟

蕭之敏

字好學乾道間知建陽縣下車首崇學校以邑人游酢陳洙陳師錫皆有學行可師乃立

三賢祠祀之以風勵後學卒於官邑人合祀之于三賢祠



蕭諤

新喻人以詩易教授閩里而尤篤于教子其後四子皆博學有名曰賀曰貫曰肅曰實登進士

第賀累官京東轉運使為人尚氣槩臨事敢為且善屬文時比之唐李賀云

蕭世京

字昌獮龍泉人皇祐進士為廣東路提舉常平公事蔡京為戶部尚書矜己自任世京多

與之忤因奏蔡京十事罷歸會徽宗於禁中得世京所上書即擢為吏部員外郎

蕭國梁

永福人乾道中進士第一官至禮部郎官又同邑黃定亦乾道中進士第一仕至國子祭

酒有文集行於世

蕭固

新喻人天聖間舉進士皇祐初為廣西轉運使知儂智高凶狡預條上羈縻之策于樞府不果

用後智高累叛人服其識云

蕭注

諤從孫磊落有大志尤善言兵慶厯間舉進士攝番禺令儂智高圍廣州注突圍出募海濱壯士與格鬪破其寨擢知邕州結溪洞酋長擒智高弟光子維字以獻累官西上閩門使後知桂州

蕭貫

字貫之仁宗時知饒州撫州司法叅軍孫齋以妻杜氏留里中而給妻周氏又納倡陳氏殺周所生子並逐周周訴于州不受周氏以布衣書姓名乞食道上馳告貫撫非所部而貫特為治之

蕭渤

皇祐中知南雄州預築城以禦儂寇渤精敏過人不撓於勢民安其政及代民苦留之

蕭杞

萬載人宣和六年進士甲科第六杞學達于易精大衍之數積官通判廣州軍州事有治聲稍

遷至市  
舶提舉

蕭舜俞

揚子人宣和中劉豫弃官避亂真州建炎初起知濟南府遂降烏珠偕立偽齊舜俞三表

諫豫乞反命南歸豫不從遂貶舜俞淮陽軍後三表達于朝思及其弟舜咨

蕭定基

字平一廬陵人舉進士累官監察御史裏行蘄州守王蒙正恃勢賂誣屬縣長死罪詔

定基往治遂正其獄宜州蠻為寇以定基為廣西安撫蠻不復動再遷淮浙荆湖制置發運副使

蕭楚

太和人紹聖間游太學時蔡氏專國禁春秋楚誓不復出任著論辨四十九篇弟子百餘人受

春秋大義者纔三四趙暘馮解胡銓皆師之自號三顧隱客既沒門人私謚曰靖節先生

蕭韡

字棠仲龍溪人登大觀第調古田尉獲強盜三十餘人為減贓以免死或告以贓不應賞格韡

曰利囚命以取官非吾志也遷福清丞有誣告平民事妖術者韡為申雪保全數百家知南恩州道遇賊曰聞公德政願與更生韡招來之郡苦於海寇為築城植刺竹寇不敢犯復肇建學校以免秀民土丁之役

蕭燧

字照隣固玄孫父增博究羣書紹興初應制舉以書詆時相竟不仕而歸燧幼能屬文紹興間

進士授平江府觀察推官忤秦檜歸孝宗時起為左司諫議論鯁切出知嚴州移婺州婺素知其條教不勞而治累官至叅知政事以資政殿學士奉祠卒諡正肅

蕭顛

字子莊浦城人天資朴實少孤事母以孝聞母喪廬墓有靈芝之異與李郁陳彥羅從彥同受

業楊時之門嘗答范某書云士之所志舍仁義何為哉唯仁必欲熟義必欲精仁熟則造次顛沛有所不違義精則利用安身而德崇矣晚以累舉得官為清流縣主簿終歲而歸徜徉閭里朱松嘗師事之

蕭淵

廬陵人寧宗時襄州兵亂籍岳州為根本制閩辟淵為通判攝州軍規畫整肅外壓湖寇內控

江南一時倚賴

蕭達

燧子淳熙間舉進士孝宗曰達才氣甚佳父子高科殊可喜後累官至太常卿常知貢舉于落

卷中取真德秀時稱其知人達從子前號大山崩弟泰來號小山俱以文名登紹定間進士前累官宗正丞泰來累

官御史遷起居郎

蕭舜咨

泰寧人第慶元五年進士剛介特立所至有聲為江西提刑人服其嚴

蕭克翁

燧四世孫隱居不仕學行為州里所稱富珠哩紳從之學

蕭服

字照甫廬陵人第進士知高安縣治以教化為本徙知康州召為將作少監以使事得入對徽

宗謂有爭臣風擢監察御史俄偕沈疇使鞫獄坐羈管處州踰歲得歸為吏部員外郎出知蕪州

蕭雄

字安道樂昌人與兄雅弟維俱肄業上庠雄中蔡蕤榜維中賈安宅榜雅中莫倚榜起自白屋

連投

高科

蕭燾夫

與兄敬夫俱文天祥容燾夫為詩有豪俊氣度宗時天祥起兵補從事郎及彭震龍謀復

其縣燾夫贊之縣  
受屠兄弟俱死之

蕭明哲

字元甫性剛有膽氣少舉進士文天祥開府汀州辟充督幹明哲以贛縣民義復萬安連

結諸若拒守兵敗被執不屈死於  
隆興臨刑大罵不絕口聞者壯之

蕭振英

建城人紹定  
間知虔州

蕭雷龍

新城人景定中進士通判衢州權知府事元兵薄城下勢不可支將趨入閩為同安武人

獲送縣權縣劉聖仲素與雷龍有怨後聖仲北來泊舟小孤山有巨艦衝前建大旗書曰蕭知

府兵繼見雷龍坐船上聖  
仲大呼有頃不見遂驚死

蕭建功

字懋德新淦人少好學嘗從陳瓘遊瓘器重之李朴被謫時貧不能自給建功為築室居

之朴死建功以女妻其子李綱  
薦其操行堅正累官知衡州

金

蕭貢

咸陽人進士除翰林修撰嘗上書言時政利弊  
言路四難詞意切至累官戶部尚書貢好學讀

書至老不倦有  
註史記一百卷

元

蕭輦

奉元人讀書南山三十年博極羣書及門受業  
者甚衆闢輔翕然宗之為一代醇儒歷官國子

祭酒

蕭讓

武陟人資稟純篤才德優瞻仕至山南河北道  
提刑按察使卒贈司徒孟國公諡忠肅子七人

珍仕至大司徒中都留守翊無為路  
學教授親沒廬墓事聞詔旌其門

蕭道壽

興平人家貧孝母每旦候母起侍盥櫛凡飲  
食必母先然後敢食或母怒必進杖伏地受



責謝過候母色喜乃  
敢退至元中表其門

明蕭尚仁

泰和人博通經史洪武中以賢良召對授潭  
府長史以老辭俾教雲南復召還留京師月

給膳羞求休致賜路費衣  
被而歸門人私謚曰正固

蕭洵

吉水人洪武六年以工部主事來知縣事博學  
能文庶勤明恕修學校建縣治及坊巷街道百

勝具  
舉

蕭鵬舉

名翀以字行太和人洪武中以賢良應制賦  
指佞草詩曰昔在堯階指佞姦姦臣一見懾

心肝祇今聖代多賢輔盡日階前草色閒詩奏  
稱旨授蘇州府同知轉山東運司同知正直庶

清為山東第一以  
子貴贈太子少師

蕭省身

秦和人累官河南布政使有惠政及民為人溫雅涵容而端潔之操始終一致士大夫多

愛重之

蕭時中

廬陵人凡不敏事毋盡孝與時中自相師友時中永樂進士第一授修撰不敏亦薦上春

官會時中充考官即避嫌歸教於鄉遠近從學者多取高第

蕭寬

吉水人永樂進士選為庶吉士與修永樂大典授兵部主事累官湖廣左布政使為人寬容端

重未嘗見其疾言  
遽色所至有聲

蕭儀

字德容樂安人永樂十三年進士任吏部主事初與主事陳良建言謫戍當道疏云主事蕭儀

陳良有人所不敢言而能言之今臣亦有人所不敢救而獨救之詔遷職又言罷營繕惜名器

等事忤旨下獄死其文學節義談者稱之有襪線遺稿

蕭昇

字彥高黃岡人永樂丙戌進士拜監察御史九載上疏省親文皇帝命給道里費賜杖褒之中

允王愷贈之文稱其禮以立身明以折獄皂囊晚進臺閣生風白簡夕森森回落膽其見重朝

署如  
此

蕭嘉祐

永樂間知恭城縣處事公平待人以信雖山谷強種以片紙招之聞風而至無敢後期者

政暇輒與諸生  
講學士風大振

蕭紘

太和人宣德進士歷太子太師戶部尚書兼學士

蕭鷺

南海人宣德進士最知名其後有知府禹修撰與成與成子御史瑞蒙皆進士

蕭鑿

字景和潮陽人宣德二年進士清介絕俗有治才初除行人擢御史時長安有淹獄舉家百餘口鑿察其非辜獲免比督學江西以德行率生徒儒風丕振遷山西副使按權奸張瑄專肆之罪不少貸官司懾服懇告歸民遮道送之

蕭昂

字伯鉉海陽人天順八年進士任工部虞衡司主事總理遵化鐵冶革宿弊課羨而民不困完舊逋課以萬計歷温州知府為民興利除害清採愈厲毀淫祠百餘僧尼少者輸使還俗歲餘以疾丐歸銓曹以昂有賢名為特請疾痊復任得報竟歸行囊蕭然民填道上擁留不可得及歸或時布衣行田野間與耕牧為侶後竟以疾卒

蕭源

福建人由監生成化末知南康守已廉介處事執持奸頑不遂其欲間以他事誣訐當道詎曰

蕭知縣惟飲爾縣一勺水爾乃敢肆蠱毒邪痛  
笞之在任九年始終不變見信於上如此致仕  
去

蕭子鵬

宜黃人居家以孝友稱少厥舉業聞康齋吳  
先生講道崇仁遂往師之康齋沒以嶺南陳

白沙先生得康齋之傳卒業于門白沙奇之別  
歸贈以詩曰玉峽蕭郎海上來海邊雲氣擁樓  
臺峽中亦有樓臺擁始信蕭郎海上回成化中  
詔求遺士時以子鵬應詔至銓部欽授以有司  
懇辭乃補嘉興教授平生長於詞賦不事  
膾炙嘗演天地自然圖著太極說雲丘集

蕭選

字廷舉江西人年未冠登弘治己未進士初尹  
藍屋摘發幽伏人以包孝肅稱之為立生祠左

遷揚州衛經歷擢獲嘉尹尋拜山西道監  
察御史按鹽河東國計充裕除寇安民

蕭儼

字畏之內江人登劉儼榜歷刑部郎中審錄寬滯多所平反陞雲南叅議河南叅政時州官不

法逮巡按守廵官至京惟儼素有風力得免餘皆被黜尋陞貴州左布政使奏請頒樂器增解額俱賜俞允所著有竹軒稿二十卷集皇明風雅廣選五十卷

蕭翼

字體全永新入登進士來知瀟山持身臨事不為世俗態撫字且有度維時奸宄屏息良善安妥焉瀟人云逢迎雖拙撫字實勞今猶慕其德後仕至知府

蕭昱

字用光山陰人性至孝母喪明昱日以古紙之復有見以易詩三禮教授生徒學究本原經其指授者多成名由鄉舉授知縣有古循吏風

蕭鳴鳳

字子雖昱子弘治甲子第一授御史督學南畿人士以蕭北斗頌之歷官河南廣東皆督

學副使文章行業為世所宗未大用而  
辛世多惜其經濟之器不究厥施云

蕭瑞

字吉夫涇縣人篤學勵志正德間進士除江西  
靖安縣知縣適奉新華林賊起以有備不敢犯

調廬陵有能吏風擢南京監察御史  
史擢歷山東僉事福建右叅議

蕭與成

字宗東潮陽人正德丙子解元丁丑進士翰  
林修撰子瑞蒙嘉靖辛丑進士任御史官

蕭一中

字執夫正德丁丑進士授知新城縣擢貴州  
道監察御史疏援馬錄逮繫詔獄貶廣西按

察司照磨陞分宜知縣晉東昌府同知南京刑  
部員外郎復以在新城時刻夏良勝大禮疏草

再貶饒州通判吏部侍郎霍韜憐其淹蹇陞平  
樂府知府浙江按察司副使河南右叅政江西

按察使浙江右布政轉左布政卒一中性剛直  
廉介所在著名譽屢折弗回居鄉亦弗廣置田

廬三子俱夭死故不能盡傳其功業云

蕭禎

陝西人由監生正德初任清流縣丞剛廉愛民正德五年隣寇竊發警報至遂率民夫斷龍津鳳翔二橋以拒之不數日賊二千餘果來攻縣橋絕不能渡城民保全皆其功也卒于官其生也民愛之其死也民思之

蕭惟翰

字良甫嘉興人嘉靖丙辰進士

姚

吳興商音舜生于姚墟謂之姚虞後因氏胡公滿之孫亦為姚氏

周姚光

吳人有火術吳王臨試之積薪數千束棗之因猛風而燔薪盡光端坐灰中振衣而起把一卷

書吳王視其書不能解也



漢姚平

受易于京房元帝令房上弟子曉考功課吏者房上中節姚平賢良願以為刺史試考功法

姚伯

定興中任廣漢太守善知人有政績諸葛亮辟為丞相掾並進文武之士亮稱之

晉姚弋仲

南安赤亭羌人累遷冠軍將軍石虎召弋仲擊梁犢弋仲輕騎至鄴貫錚跨馬于庭中遂

滅梁犢嘗遣子襄討冉閔戒曰汝才十倍于閔若不景擒不須復見我襄大敗閔而歸

姚襄

字景國弋仲第五子少有高名文武冠世英濟之稱著于華夏自稱大將軍

姚弼

後秦將

姚岳

永嘉中李雄寇關賊追至瀘水關

遣岳拒之大破怒鞭岳岳裂冠而卒

時人寃之為立廟焉

隋

姚察

字伯審武康人父闕六歲誦書萬餘言闕

醫正察幼有至性學業十二能屬文梁文

帝在東宮時即引於宣猷堂聽講論難後任隋為秘書丞修梁陳二史及刑定朝式子思廉任

唐為名臣

唐姚崇

字元之硤石人父懿貞觀中萬州都督崇少尚氣節長乃好學初授濮州司倉叅軍累遷鳳閣侍郎以張易之諧出為靈武道大總管張柬之等誅二張崇與謀以功封梁縣侯玄宗立說以

十事遂拜相封梁國公

姚思廉

察子徙萬年縣初仕隋為代王侍讀唐兵入城府僚皆奔忙獨思廉侍主兵升殿厲聲曰

唐公起義兵本安王室若等不宜無禮衆却布列階下帝義之曰仁者之勇也後為弘文館學

士與魏啟同  
撰梁陳書

姚璠

思廉子字令璋永徽後左右史唯對仗承旨仗下謀議不得聞璠以帝王謨訓不可闕紀請仗下所言軍國政要責宰相自撰號時政記以授史官時政有記自璠始

姚班

璠弟篤學有立志武后時擢明經歷六州刺史政皆有績數被褒賜遷太子詹事時節愨太子稍失道班凡四上書諫太子雖稱善不能用其言及敗索宮中得班諫書中宗嘉歎時宮臣皆得罪獨班擢右散騎常侍遷秘書監

姚合

崇之孫元和進士善詩任監察御史終秘書監選唐詩二十三家為極玄集

姚岩傑

工詩酒遊江左乾符中顏標典鄱陽創鞠塲請岩傑記之標易三字岩傑怒覆碑于地以

詩寄標云為報顏公識我麼我心惟只與天知  
眼前俗物關情少醉後青山入夢多田子莫嫌

彈缺恨寧生休唱飯牛歌聖朝若為蒼生計  
也合公車到薜蘿有文集二十卷號豕溪子

姚鵠

字居雲唐人作早魚詩上苗相公云似龍鱗已  
足惟是欠登門日裏鯉猶濕泥中目未昏乞鉏

防蟻穴望米泔金盆他  
日能為雨先當報此恩

姚蕪濟

吳人善琴得石荆山之傳在揚州逢異人授  
以琴操撫之果奇人以為廣陵散之遺意也

五代姚洪

董璋為梁將洪嘗事璋後事唐為指揮長史戍  
閬州璋反以書招洪洪得書輒投厠中城破執

洪洪罵曰吾能為國家死不能從人奴以生璋  
怒然鑊于前令壯士十人剖其肉而食洪至死

大罵明宗聞之  
泣下厚卹其家

姚南仲

下邳人歷義成軍節度使恚然簡易入布條職恤鰥寡用仁制強毅用明居常以柔克臨

事以貞勝士史悅  
觀勸夫家寬恤

宋姚內斌

平州盧龍人初仕契丹後歸周為汝州刺史吏民詣闕舉留入宋從平李筠後為慶州刺

史在郡十數年西夏不敢犯塞以其武猛號為姚大蟲子承贊為閩門祇候死于陣承鑒殿中丞

姚義

從學河汾北面受王佐之道

姚鉉

字竇之合肥人太平興國中進士直史館歷右司諫京東轉運使後坐事貶連州鉉文辭敏麗

有文集二十卷又采唐人文章為文粹百卷

姚坦

字明白太宗時為皇子翊善王嘗以邸中為假山費數百萬召賓寮共觀之坦獨俛首王強使

視之曰此皆民租所為但見血山耳安得假山

姚益恭

太宗時知項城縣鞭扑不用境內大治民數千人道遮轉運使乞留州以聞賜璽書賞以

粟帛秋滿以著作佐郎知洪州南昌縣賜衣服銀帶絹五百疋

姚宗明

河中永樂人其十世祖棲雲以父死于邊終身廬墓唐時表其門棲雲生岳岳生君儒君

儒生師正四世皆廬墓至宗明十世同居慶歷中復其家是後又三世同居孝睦不替

姚兕

五原人父寶戰死定州兕力學兵法為環慶巡檢屢敗夏人擒兕章積官至通州團練使兕幼

失父事母孝凡圖畫器用皆刻仇讐未報字弟麟亦有成名累官至定武軍節度時號二姚

姚雄

兖州少勇鷲有謀佐父征伐立功歷知岷會河

熙州遷至武康節度使卒謚武憲弟古亦以邊功累官熙河路經畧靖康中總兵援方原與

金人戰种師中敗死古兵潰詔安置廣州

姚麟

字君瑞兖弟為將沉毅多奇策有功不自矜伐持軍紀律明下樂為之用事兄弟並立功聲蓋

一時云

姚嗣宗

慶歷中題詩于驛壁云踏碎賀蘭石掃清西海塵布衣能辨此可惜作窮人韓魏公見而

奇之遂奏補後知尋州能除虎暴

姚闢

字子張瞻辭博學授項城令通州判所至有聲黜去詞華究心經術一時名士如歐文忠王荆

公皆與交游所著有太常因草禮一百卷

姚孳

字舜徒慈谿人幼開爽穎悟學如宿植登熙寧九年進士第歷尉掾以考第薦章應格改秩為

桃源宰鄉有虎孳以文禱諸社越三日虎仆祠旁奏課為天下第一部使者舉孳學行優異才

能顯著以應元符之詔賜對稱

旨除提舉成都府路常平等事

姚易

字夢錫浦城人元豐中進士歷開封推官里人何述時為府尹每遇休沐輒相與觴咏酬唱甚

多有畧

集十卷

姚孝資

紹興間以右從政郎知東莞縣事治才精敏下令闔境築堤護田水利大興民蒙其利時

香山鎮惟設寨官一員以屬東莞士人陳天覺請建寨為縣孝資疏聞改建縣治至今賴之

姚孝錫

字仲純豐縣人政和四年登科調代州兵曹金兵入鴈門州將議以城降官屬畏怯投死



無所孝錫授林大軒畧不為意大府就注五臺簿因家五臺善治生州境歲飢出家所藏粟一萬石振貧之多全活自號醉軒年八十三乃終所著有雞肋集

姚仲孫

商水人父暉進士第一官至著作郎仲孫早孤事繼母孝擢進士累官河北都轉運使大

修城壘兵備遠龍圖閣直學士權三司使屬西北備邊悉心經度雖病未嘗廢事

姚舜明

字廷輝剡人政和中歷知華亭撫摩其民甚著今名累官殿學士待制

姚祐

字伯受長興人元豐末進士徽宗時為左司諫建議置輔郡以拱大畿歷知江寧府鄭泰州累

遷工部尚書加龍圖閣學士為大名尹進延康殿學士謚文僖

姚興

相州人以武功累遷荆湖南路兵馬副都監金兵渡淮興以四百騎當金八十數萬自辰至午

戰數十合援兵不至父子俱死金人相謂曰有如姚興者十輩吾屬敢前乎事聞詔贈觀察使

更諡忠毅立廟祀之

姚宋佐

字輔之靖康間其父寓郴生宋佐少嗜學舉進士初調澧州尹掾再任八桂教官以詩名

性廉介雖兩任而家貧自號北湖有文集藏於家

姚邦基

大昌人政和間舉進士為開封洧川令以劉豫僭竊遂匿山林聚徒以養及豫廢朝廷尋

訪隱逸既至高宗嘉之華以京秩

姚渙

字虛舟第進士監益州交子務發姦隱萬緡主吏皆當死渙曰殺人以干澤非吾志也義不蔽

姦而已請于使者願不受賞于是全活者衆

姚宏中

字安道海陽人登嘉定進士調靖江教授自師友講學外絕無他交歸端居一室惟日溫

舊學性狷介不苟隨從鄉前輩遊得漁洛諸大儒書讀之曰道在是矣玩索精微意度超然若

不屑於世者

姚舜元

字景瑞少拳勇以武功為保義郎平江府東南副將守吳淞德祐改元冬元師下平江時

姚氏為邑巨族民樂歸附舜元語弟舜賓及舜賓子鄉貢士應龍曰國家德澤在人大本未去收合散亡以應內援外事可圖也未幾元師偏將東徇十二月十六日會黃露四塞襲兵猝至舜元無備與舜賓應龍及次子興龍俱死之

姚憲

字令則崧人知秀州浙西大水憲請輸粟萬斛以賑之上賜書獎諭歷直秘閣參知政事

姚平仲

字希晏靖康中為太尉後得道于山中年過九十紫髯委地與譙定為青城隱士

姚宗之

字元仲興化人紹興中第進士孝宗朝除國子學錄輪對言大將而下有偏裨準備將之

屬豈無人才可膺主帥之任乞驟加拔擢如古  
人拔卒為將從之遷太常博士兼吏部郎官請

禁援例陳乞之弊一遵祖宗成法張

拭嘗稱其議論剴切有古爭臣風

姚鏞

南渡後人號雪蓬以功除翰守命工繪其像騎  
牛于澗谷之間趙東野題其圖云騎牛無笠又

無袞斷龍橫岡到處過暖日暄風不常有滿村  
雨暗却如何規之也未幾果為一帥臣所劾人

服東野  
之先見

姚瀛

字子山福安人七歲能誦班史十七歲應舉居  
太學以文章著名隆興初登進士第凡四任教

官嘗辨太玄通潛虛之  
數所著有鳳臺集行世

姚穎

字洪卿鄞人淳熙五年策進士第一授會書掌  
國軍節度判官召為秘書省校書郎出添差通

判平江府年三十四卒穎冲澆謹厚舉有器量  
力學勤苦聞見兼洽而文章俊瞻然退藏抑損  
常願出人後論天下事無不盡而最  
惓惓於當世得年不永人多悼之

姚希得

字逢源潼川人嘉定進士累官參知政事忠  
貞清儉好引用善類屢抗疏直言以潼川郡

公致仕卒贈少保所著有  
續言行錄及橘洲文集

姚景熙

為杭州助教兩魁推為大學教授不就  
職歸別築室為投老計教子嘉言登顯仕

姚勉

字成一新昌人少穎敏日誦數千言理宗寶祐  
中狀元當時儒臣謂其洋洋萬言得奏對體議

論本于學識憂愛發於忠忱張程與旨晁董偉  
對胥陸忠言皆具此篇初授平江節度判官丁  
父憂服闋除正字時太學生因論丁大全被逐  
勉上言斥逐學校之士以禁天下之言者此蔡  
京秦檜所為今日豈宜有此遂歸除通判處州  
辭不就吳潛入相召為校書郎兼太子舍人上  
過東宮勉講否卦因指斥權姦無所顧避忤賈  
似道諷孫附鳳劾為吳潛黨免歸有雪坡集

### 姚獬孫

字應獬慈谿人宋末舉鄉薦補國子助教正  
身率下勤於啟迪改學錄父敬前為司業諸

生稱為東南遺老獬繼之人以為世典成均善  
於其職尤所罕者獬博學清介為文本家傳皆  
以蘇氏擬之及元混一不屑于仕即退隱  
雙峯別墅所著有雙峯文集詩稿行於世

### 姚訔

知常州先是元巴延兵至知州王宗洙遁通判  
王虎臣以城降既而都統劉師勇等復拒守推

嘗為守城數月不下已延攻陷屠之嘗及通判陳焄等皆死之

連姚景行

興中人重熙中進士性敦厚廉直累官翰林學士參知政事道宗時為北府宰相大康初

以上京多滯獄命為留守不數月獄空卒追封柳城郡王謚文憲

元姚雲

字聖瑞高安人宋咸淳進士初調高郵尉太守程公雅相敬重辟入僉政事准來招討使復招

典司書檄後除龍興察推再除工刑部架閣入元授承直郎撫建兩路儒學提舉秩滿家居求文者門無虛日尤工於調風韻不減秦淮海一時莫不推之有江村遺藁行於世子成德克紹家學臨江路儒學教授歷任國子助教

姚應鳳

字時和慈谿人自幼習家學即以文字為業頗自雄其才為文喜馳驟每屬筆於廣眾中

詞鋒橫逸一生皆驚後持以謁同郡袁桷桷告之曰子文不受束縛然法度自不可廢也應鳳領之自是務為莊重簡嚴日益深邃至元間嘗就試省部詩以龍虎臺命題有可得應鳳賦歎曰此楚漢故物也遂擢置高第所著有納軒稿若干卷藏于家

姚天福

絳州人父居實徙鴈門天福讀春秋通大義至元中拜監察御史時詔罷各道按察司天

福言不可權臣不悅左遷衡州路同知不就後拜參知政事大興尹畿甸大治總管真定路時真定驛傳之需多為民害天福更議措置之方使不擾民詔頁其制為天下式

姚樞

平州柳城人有王佐才世祖召至首陳帝王治平大經世祖嘉納自是內修外攘之政咸委任

焉累官至翰林學士承旨卒謚文獻子煒官至平章政事



姚燧

字端甫，柘之從子。少從許衡遊，以真知實踐為事。為文閎肆，該博有西漢風。累官至翰林學士。

承旨所著有國統  
離合表牧菴集

明姚臨

字大臨，宜興人。宋姚萇三世孫也。明敏好學，熟經史，善吟咏。至正壬辰，宜興被兵，臨挈老稚將

入太湖，賊迫之前途，室不可越。其妻金氏度不能免，與大臨訣曰：汝有老父，宜善保之，勿墜宗祀。我誓抱幼女死，弗均沒草莽。臨未及應，遂携幼女沉于水，臨得免難。洪武初，徵為萊州府同

知府，卒于官。

姚哲

蒲城人。洪武中以才學卓異，舉授南康府同知。有治聲，遷荊州知府。未幾，召為春坊贊善。士林

之重

姚伯良

名驥以字行先洛人大父君義知鄞遂家焉伯良性寡默刻志于學洪武中由上舍生授

郴州桂陽丞桂陽俗靡多訟尹嘗謂曰何以化之伯良曰居上不貪則斷合理而民訟息又諭民曰富由儉得貧自奢來食以時用以禮則財可豐不三年訟簡而俗尚純儉上嘉其能詔詣京師賜楮劄命山西按察司事發姦槌伏治號神明年三十八卒于官所著有芸牕藁小學

諷詠  
補遺

姚善

字克一安陸人洪武中鄉薦篤行卓識工詩同知廬州重慶二府所至有能聲擢知蘇州府時

吳民習染夷俗偕靡豪室侈善至繩以重法罷訟者更持短長遽起難治善洞達政體周悉人情張弛寬宥允協時宜敷造請郡賢考求治道稍因俗教正由是吏民嚮義轉稱大治三十二

年京師平時黃子澄走匿善所索之急約善航海善曰在公則可在善則不可吾守土之臣當

與同亡子澄去未

幾善竟仗節死

姚震

字起東仁和人洪武間鄉試舉首授建寧縣丞陞安慶府推官以累罷去尋以館閣薦起為監察御史擢福建按察副使為人直氣儼容善善而惡惡如不能容雖在親交盡言無諱罷歸貧

不能濟授徒餬口卒

姚肇

富陽人性醇厚有孝行洪武中舉孝廉試太常寺丞改職方主事以勤慎稱陞雲南右參議加右參政論楮幣害鹽井皆切時弊陞福建布政使致仕卒年八十四所著有蒙齋稿孫昂居仁

和諱書耕桑自怡縣以明經舉不就因號養拙生

姚廣孝

長洲人初從釋氏名道衍住慶奇寺嘗敏嗜學善詩文有謀畧制行高潔永樂初以佐命

功授太子少師卒贈榮國公諡恭靖所著有逃虛子石城霞外等集

姚文

字敏學崇德人永樂進士歷知慶遠徭獠文侍以至誠無不感服改袁州將代百姓願借冠仍

聽守素卒父老會哭于庭平生苦辛自持敬歷中外幾四十年一介不妄取

姚銑

字孟聲候官人永樂甲辰進士宣德初拜刑科給事中正統間引疾家居凡七載足跡未嘗越

里門藩府大臣疏于朝乞起之改兵科遷兵科都給事中是秋大駕親征北敵選侍臣扈從銑與馬將行自策其必敗既旋師至土木竟死于難銑儀貌端偉器局夷曠自入仕歷二十餘年始遷一級謹謹然不求躁進竟以王事卒士大夫多惜之

姚顯

字微之咸陽人儀觀奇偉剛正磊落制行一以聖賢為法正統間薦鄉舉在大學時三上封事

皆闢異端崇聖道安社稷之謀又嘗奏毀大興隆寺名著天下後推監察御史為忌者出知武

城公庶剛正動必循古斷獄不施鞭扑諭以理義民咸愛之故民歌之曰先有子游後有姚公

學道愛人同一古風乃與子游同祀焉

姚夔

字大章桐廬人正統會試第一登進士歷官吏部尚書立朝三十餘年憂國憫民恒存念慮每

廷議大政大事正色昌言人皆悅服論者論夔可屬大事如周勃善應變成務如姚崇非過與

也卒贈少保謚文敏

姚旭

字景暘桐城人舉進士授刑科給事中論事忤權貴謫鄭州判天順末來守平陽平易近民政

無煩擾修學有功歲夏淫雨誠禱以霽秋復早  
禱而雨明歲有年產嘉禾民歌頌之陞河南參

政去

姚鍾

仁和人舉人知沙河邑敵甚鍾初至擇便於民  
者次第施行民頌之時郡守李公以嚴為治諸  
縣令每至郡受約束堂陞揖拜唯諾惟謹鍾獨  
酌利害陳民隱多至數千言或勸之鍾歎曰我  
猶不敢言尚誰言也歲飢西山盜起鍾意  
招撫之管道竟勦捕鍾憂懣成疾卒于官

姚文灝

字秀夫貴溪人成化甲辰進士授主事以註  
誤調常州推官未及任轉通判治水有聲復  
工部主事尋陞湖廣提學僉事慨然以作人自  
任崇正學黜浮靡規條甚悉嘗自謂所能者三  
毀譽不入請託不行賄賂不通而已嘗過洞庭  
舟幾危丈灝端坐不動風止泊舟登岳陽樓云

來時行李蕭然去時行李蕭然岳陽樓下經過  
此心無愧蒼天至今人頌之所著有學齋稿經

說稭說報德錄中

庸本義藏于家

姚鏞

字英之蕙谿人弘治進士歷官左都御史提督  
兩廣軍務大破岑猛被劾落職復起為兵部尚

書總制陝西三邊尋以老

乞致仕子涑狀元及第

姚岳

字丈鎮長興人居家孝友弘治間任宿松縣知  
縣布衣蔬食執法嚴毅不少假借入覲一毫不

科歛有饋者峻

却之卒于官

姚涑

字維東鏞子狀貌奇偉資識過人應正德丙子  
鄉薦嘉靖癸未魁天下授翰林修撰為經筵講

官積誠感悟脫畧詞章每進對稱旨歷陞春坊

諭德丁酉主北畿試得士為多人方以公輔期


之隨以疾卒涑性孝友六歲喪母執禮如成人  
事繼母無間言尚書恩廢例以嫡涑讓繼母弟  
汲以悅親心涑請書務為經濟事不拘拘文辭  
如邊防海運皆有定議作諸邊圖時有翰林三  
長之稱謂經學政事史  
學也有明山集若干卷

姚一元

字惟貞長興人嘉靖甲辰進士授行人選御  
史蹇詡敢言出按陝西鋤強暴黜貪墨民詣

闕保留再按一年至今人稱名御史陞副使轉  
江西左布政使忤時相罷歸尋起山東布政使  
歷順天府尹致仕一元性剛直不肯詭隨持已  
端莊待人誠信歸田閉門讀書一循禮法見妻  
子無惰容人稱古  
君子年七十終





萬姓統譜卷二十九

欽定四庫全書

子部

萬姓統譜卷

三十五  
三十二

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣王家賓

謄錄監生臣李敦源

欽定四庫全書

萬姓統譜卷三十

明 凌迪知 撰

下平聲

二蕭

饒

平陽羽音又望出臨川

漢

饒威 曾陰太守有惠政得吏民心

饒斌 漁陽太守

饒助

永安人吳志裒安今

唐饒廷直南城人第進士嘗過武昌游黃鶴樓忽逢異人投以秘訣自是不通妻妾蕭然端居後為

鄧州通判卒其柩還鄉昇者覺其輕蓋尸解云

宋饒子儀字元禮臨川人九歲能詩力學不倦王安石多所論薦子儀獨不為屈崇寧中以經明行

修錫命於朝司諫陳瓘閱其所著編年史要為之序又有周易論語解及詩文甚多

饒竦熙寧中舉進士下第以詩投荆公云又還垂翅下青霄歸指臨川去路遙二畝荒田多賣却要

錢準備納青苗

饒幹字廷老邵武人淳熙二年第進士調知長沙縣適朱熹為守幹夙興治事還即聽講後知懷安

軍卒有為之銘曰能磨琢而器吾之玉乎則心皇皇如不足能烜赫而丹吾之穀乎則足縮縮

如不欲故樂也不加若性而污也不懼其辱  
是謂善學朱氏者蓋不惟其名而實之焉

饒延年

字伯永崇仁人魁岸倜儻遊象山之門象山  
稱其開豁有力量以經學稱篤信自守隱居

不仕輕財好義值歲歉穀價翔湧延年以錢米  
和糴指天自誓曰穀價定於此矣捧斗槩量得  
錢纔六十五遂為定價鄉人德之紹定二年值  
寇亂趨金陵兩月微疾屏藥靜怡一夕明燭焚  
香趺坐而逝年八十有一訃至郡守為位于天  
寧寺祭之魏了翁題其銘曰有宋長者饒止翁  
墓子應龍

登進士

饒魯

字伯與饒州人幼從黃幹遊性行端謹學術精  
明累薦不起號雙峯及卒門人私謚文元有五

經講義語孟紀聞春秋  
節傳庸學纂述等集

饒祖堯

字述古臨川人以恩授靖江司理祖堯嘗曰仕官未顯惟獄訟可以盡心時相姍家自海

道來舟沒溺所司連逮甚衆祖堯辨證而釋之漕臺有廢卒刃其徒于野園夫被誣久不白祖

堯委曲鉤索不待榜笞而伏後轉儒林郎誥詞云飭身修廉老而益壯改調建寧察推致仕卒

饒虎臣

寧國人嘉定中進士器宇魁然魏了翁甚奇之累官至端明殿學士知樞密院事叅知政

事文章政事昭聞于時

饒應龍

字翔夫端平進士知德化縣邑有挾勇以抵令者應龍奮然以官可罷筆不可改歸印于

郡丁大全欲處以要官拒不出在臺端風力甚勁有勸其婉筆者答曰言官豈可婉耶竟不答

歸而

饒敏學

理宗時知黔陽器量弘深廉慎自守長於治事蠻夷畏服凡營建民不知勞而事集民愛

慕之

饒應子

字定先崇仁人紹定進士官至監察御史兼崇政殿說書時江西湖南北皆受兵詔淮兵

赴援應子上疏淮不可弛備又言洪天錫有犯無隱監學小臣如徐庾金輩叩閤去國宜旌異

之累疏丁大全及董宋臣等罪

饒應孫

景定初知建昌軍嘗修軍學及龜湖浮橋庶政舉時稱其能

饒烈

字丕承臨川人世業春秋後與姪嶽同受業康齋之門潛心經學理欲之辨甚嚴嘗揭聖賢法

言於軒楹間以自警策康齋為題其几研之處曰麟經軒為之記晚遷居父墓之側時與門人

子弟徜徉原野間班荆剖論緩步行歌  
儵然自得號巢雲有巢雲稿存于家

饒節

字德操工詩宗山谷與陳無已等二十五  
人為法嗣呂居仁作江西傳衣詩派圖

元饒宗魯

字心道臨川人性孝友生五歲母沒恒以不  
遠養為恨春秋展墓涕泗交集既去猶嗚咽

不自禁事繼母孝養備至天厯二年大旱鄉人  
乏食發廩賑貸不能遍及則為粥以食之所活  
甚眾家故饒富自奉無異貧士號六有所著有  
易傳庸言及雜文若干篇又輯其所嘗聞于平

山曾子良者為周

易輯說若干卷

明饒禮

字景節南城人自幼敏學識者知為偉器永樂  
中為國子生授浙江道監察御史秉道疾邪得

風憲體累陞河南左布政使為政寬  
恕惠澤及人一方黎庶咸愛戴之



饒伯純

永樂中任巴縣丞廉幹勤慎民懷其德邑民謠曰井井鄉鄉絕叫器奈麻盈野黍盈郊如

何百姓相安好縣有清官說姓饒

饒政

望江人登永樂陳循榜進士奉勅運江西糧儲竣事以賢勞擬授僉事因以陳願受教職歷壽

張羅山教諭正統五年陞德安教授為人莊重謹飭不妄言笑不事浮靡教有成規雖祁寒甚暑不輟後以老歸人謂其辭尊居卑律已成物當於古人中求之

饒秉鑑

字憲華廣昌人由舉人景泰間任廣州府同知公正廉明聽政理財皆得民心作興人材

修理學校隆本府知府

饒欽

字克恭祁門人天順庚辰進士授戶部陝西司主事有福建林舉人者以白金一緡寄欽而入

會試死于火欽召其家僮還之家僮初不知也  
嘗差監收通州等處糧儲平料量時出納軍民  
便之三原王恕時為少司徒攝部事欽以剛介  
清謹見稱尋遷雲南澂江府知府澂江古荒服  
地夷羅雜處時有寇奪者欽至首興學校省刑  
罰輕徭薄賦與民休息士風民俗為之丕變時  
王恕以都察院右副都御史巡撫雲南謂欽有  
古循吏體秩滿請歸作書舍茅山下萬松間自  
號萬松散人所著有  
萬松遺稿藏于家

饒鳳翔

安陸人鳳翔為郡諸生既退事父母竭力逮  
喪晝夜號寢柩側三年既葬廬于墓哭奠告

面一如生依土成邱碣有早枝鳥巢之越六年  
始歸朔望猶徒步叅泣雖雨雪不廢不赴宴會  
服衰麻終身有  
司以孝行獎

饒泗

進賢人成化進士

饒瑄

字文璧臨川人中正德癸酉鄉試南宮不第不復仕進以所學授徒于家文璧少時不羈好馳

馬試劍弱冠委已于學即不為尋常舉業剝撥之習星厯算數山經地志九流百家之書橫驅直駕無一不通已乃覺其泛而不統初善橫渠以禮為先之教中慕邵子靜坐百原之學最後獨深信象山而遵體之蓋文璧之學凡屢變而卒歸于道其文亦俊潔有程法自號行齋學者稱為行齋先生

饒相

大埔人嘉靖進士歷副使

饒天民

字明先崇陽人嘉靖乙未進士

焦中山角音周武王封神農之後于焦子孫因氏焉又望出廣平馮翊

漢焦延壽字贛小黃令辨別姦細愛養吏民化行郡中舉最當遷民上書留之詔增其秩京房嘗師

之曰得我道以亡身者必京生也

焦儉外黃人

焦先河東人漢末隱居京口結草為廬冬夏袒露野火燒其廬先露處大雪不移蔡邕為之作贊

三國焦觸袁熙大將

焦嵩鎮西將軍

南焦度字文績南安郡氏祖文珪避難仇池宋元嘉中父明與千餘家隨居襄陽度少有氣幹便弓馬

沈攸之反度守邦城有功嘗于城樓上罵辱攸之後人呼其樓為焦度樓官終遊擊將軍

隋焦旭

栢鄉人第進士累官御史中丞章宗即位太傅克寧請出獵旭劾奏其非章宗為之罷獵旭為

人警敏練達時政與王修劉仲洙輩世稱其能吏云

唐

焦遂

口吃對客不出一言醉後應答如響飲中八仙歌云焦遂五斗方卓然高談雄辨驚四筵

宋

焦蹈

無為人四首鄉薦元豐中因禮部貢院大別試蹈為第一有詩云不因南省火安得狀元焦

焦繼勳

字成績長社人少有大志歷晉漢周入宋為右金吾衛上將軍時向拱為西京留守羣盜

白日入都市繼勳代之月餘羣盜斂迹

焦守節

字秉直初補左班殿直擢閣門祇候咸平中置江淮南荆湖路兵馬都監首被遷擢又討

施夔州叛蠻以大義諭其酋長皆悔過內附還閣門通事舍人奏使契丹館伴丁求說指遠山謂曰此黃龍府也守節應聲曰燕然山距此幾許求說慙服久之歷知襄鄧汝三州還四方館使以右神武大將軍致仕

焦炳炎

字晦甫本宣州人寓居嘉興宋理宗朝登進士為諫官論奏皆切中時病屢遷太常少卿弟煥炎平生抱負英畧慷慨有大志任至鎮江太守禦邊多顯效

焦千之

字伯強丹徒人歐陽修勉之弃科舉學而專意經術嘗為無錫令值旱河竭民役自小渲車湖水入運河人皆獲其利

焦煥

六安人紹定間進士第一弟煥亦武舉第一時人榮之

焦抑

巢縣人紹興間為舒城丞行寬政節浮費清

元  
焦用

雄州人遠祖贊宋時鎮瓦橋關用初仕金為東

鹿令陞千戶守雄州北門元兵至州人開南門  
降用猶力戰被獲太祖以其忠壯釋之復其舊  
官徇山東未嘗妄殺一人卒贈中書左丞謚正  
毅

焦養直

堂邑人夙以才器稱為典瑞少監入侍世祖  
惟幄陳說古先帝王政治世祖聽之忘倦累

遷集賢大學士與謀大政卒  
贈河南行省左丞謚文靖

焦德裕

用子通左氏春秋有才辨善騎射金將武仙  
敗走其黨保仙故壘太宗使德裕招降并擒

殺之其地遂平崇陞都元帥府參議後從征鎮  
江焦山寺僧誘居民叛阿水既誅其魁欲盡阮

其黨德裕諫止之卒追封恒國公諡忠肅子簡餘姚知縣潔信州治中

明焦白

字任道淮南人張士誠據吳辟為湖學教授不就去隱海上以詩畫自適張賊所在蒐儒遂變

姓名寄食於嘉定林氏或諷之曰若頎而髯黃金加輕爵列侯等不猶愈于帶索耶白不答後

竟卒於嘉定

焦瑾

字良玉高安人自幼聰敏肯學器識過人父汝霖永樂初被薦上京思念二親快成疾瑾方

弱冠在側即慨然陳情乞以身代上矜其孝行卓異賜允明年授瑾潘縣稅課大使通商利民

上官賢之因委署縣事遂得民心秩滿潘民相率詣闕保陞潘縣知縣措置有方豪滑斂迹民

安其治改知長洲又改知贊皇上以黃岩難治特進瑾六品俸即命往知黃岩瑾惟以德禮化



人以政刑禦暴未幾民化政成境內翁然有麥  
秀兩歧孕生三男虎不入境之異景泰甲戌入  
覲乞休逾年卒于家柱史張公諫銘其墓曰  
事親以孝事君以忠出宰四邑名播九重

焦宏

字克明葉縣人永樂進士累官戶部侍郎為御  
史時嘗按貴州平反疑獄全活者數百人及為

布政小民咸被其澤弟  
寬亦舉進士歷官叅政

焦寬

字仲容南陽人正統九年山進士知崇德縣事  
益政明敏撫綏有方首興學校齋堂學舍葺理  
一新公餘詣學與諸生講論經史每給油燭資  
其夜誦至於橋梁壇社解宇罔不葺備歷任六

載以考最推湖  
廣道監察御史

焦顯

字文明德州人成化中知彰德府剛毅有大節  
直道行志雖貴勢不撓安陽知縣崔鑑貪而善

交權貴人顯捕治之當路者受鑑  
金巽辭請託堅執不行竟罷鑑

焦芳

泌陽人成化進士累  
官吏部尚書大學士

焦思剛

字士遠盤屋人弘治舉人任開州判官清  
以自持決獄明允政通化行開人德之

焦維章

灌縣人嘉靖乙  
未進士歷副使

譙

譙國曹大夫食采于譙因氏焉

漢

譙隆

閩中人為上林令武帝欲廣  
苑圃隆固諫後遷成皋令

譙玄

閩中人成帝朝以對策拜議郎歷奉谷令當王  
莽居攝易姓名而歸公孫述連聘不起賜以毒

藥太守自齋書至玄廬玄歎曰保志全高  
死亦何恨其子瑛盡捐家貲贖父死獲免

譙君黃

合州人仕為諫議大夫後避王莽又不仕公孫述國人作詩美之

三國譙周

巴西安漢人肱古馬學研精六經仕蜀漢為光祿大夫周有文武全才志在恢復所著有仇國

論五經論定法訓古史考百餘篇子秀躬耕山藪桓溫薦之不應

譙秀

南克人周孫少靜默郡察孝廉舉秀才皆不就李維據蜀慕秀名徵之不應冠皮弁敝衣躬耕

山藪桓溫滅蜀遣使勅所在四時存問

譙熙

周之弟察孝廉為本郡大中正後遷沔陽令

譙同

亦周弟少知名不受州縣之命梁州刺史闕良與東羌之尉何攀咸貢之三司大將闕府再

為尚書郎除無錫令

譙登

周孫以公亮義烈聞辟主簿領陰平太守時  
五官大姓素豪擅侵凌羌登誅之郡中肅然

隋

譙德衡

宜陽人仕為信威將軍  
本州刺史封安成侯

宋

譙定

涪陵人少喜學佛後至汴學易於程頤  
定又從之游靖康初召為崇政殿說書以論弗

合辭不就高宗即位定猶在汴詔津遣詣行在  
將用之會金兵至定復歸蜀隱青城山蜀人敬  
之稱曰譙夫子云

譙南

勳登科

明

譙固 永年人永樂舉人

譙明

四州人宣德中任御史

譙謨

華容人有才學能賦詩隱居不仕以吟咏自娛天順初遊京師石亨欲薦之乃逃歸鄉里邑搢

紳學士咸禮重焉謨嘗集古梅花百韻至今傳誦

譙諧

華容人成化舉人任南康府同知

譙士雄

眉州人舉人弘治中知清澗縣廉明公恕救荒活人甚衆

譙崇伯

西克人正德舉人

譙岳

南克人嘉靖舉人

譙孟龍

字乾甫南克人嘉靖乙未進士

譙田龍

南克人萬厯間興國州知州

刁洪農徵音風俗通齊大夫豎刁之後

漢刁間

前貨殖傳齊俗賤奴虜間獨愛貴之祭黠奴人所患惟刁間收取使之逐漁鹽商賈之利起

數千萬

刁韙

字子榮彭城人遷尚書在朝有鯁直臣節出為魯東海二郡相性抗厲有明畧所在稱職常以

法度自整家人莫見情容

刁子都

東海人起兵鈔徐充降漢拜徐州牧

刁榮

侍中

晉刁協

字元亮渤海饒安人少好經籍博聞強記累官尚書左僕射元帝南渡初朝廷草創憲章未立

協諳練舊章凡所制度皆資于協王敦  
構逆協出督六軍至江乘為人所殺

刁彛

字夫倫協子少遭家難王敦誅後彛斬仇人黨  
以首祭父墓詣廷尉請罪朝廷宥之由是知名

歷官徐兗二州刺史子遠廣州  
刺史暢冀州刺史弘始興相

刁默

將軍前鋒  
討劉鐸

北南

刁雍

協曾孫父暢晉右衛將軍晉相劉裕時負社錢  
三萬遣時不還凡達執而徵焉及誅桓玄以嫌

先誅刁氏雍與暢故吏奔姚興後歸魏以建威  
將軍討裕徙鎮濟陰賜爵東安伯卒年九十五

謚曰簡子遵  
洛州刺史

刁柔

字子温渤海人少好學留心儀禮性強記諳  
悉古今典居母喪以孝聞累遷國子博士

刁冲

字文朗十三而孤雖家世貴達身自炊爨每師受之際發志精專不舍晝夜殆志寒暑學通諸經偏修鄭說陰陽圖緯算數天文風氣之書莫不闕綜當世服其精博魏宣武時徵為功曹主簿

刁雙

魏明帝末除西兗州刺史時盜賊蜂起州人張桃弓等招聚亡命公行劫掠雙至境先遣使諭桃弓陳示禍福桃弓即隨使歸罪擒獲于是不問後有盜發之處令桃弓追捕咸悉擒獲于是不問

境清肅

宋刁衍

字元賓昇州人父彥能任南唐為昭武軍節度衍為秘書郎從李煜歸宋授太常祝出知桐廬縣應詔言事上諫刑書累遷殿中丞歷知婺光廬湖州衍在南唐家富服飲極侈靡歸宋以



純淡夷雅知名子湛澁渭  
及湛子繹約俱登進士

刁約

字景純行孫丹徒人寶元中為館閣校理後遷直史館嘗使契丹改判度支院治平中出知揚

州浩然有山林之志乃掛冠而歸  
作藏春塢日遊其間以壽考終

刁璿

字景汜熙寧中為於潛令蘇軾行縣為賦野翁亭詩有我來觀政問風謠皆云吠犬足生麓之

句後與蘇軾並  
祠于浮溪之上

刁繹

通判揚州事

刁獻可

登科

明刁筠

祥符人洪武中以人材任知縣

刁約禮

招遠人 洪武中  
山西右叅議

刁鵬

祥符人 永樂中 知荊州府 賦性耿介 立志清苦  
莅任九年 門無私謁 囊無贏帛 凡所設施 調度

卓有條理 且勞來安集  
政教大行 軍民稱頌

刁正

束鹿人 宣德中  
任長沙知府

刁隅

鄆城人 弘治  
中 懷遠教諭

刁騰蛟

興寧人 隆慶中 浙  
江鹽運司判官

刁尚質

威縣人 萬曆間  
山西壺關丞

晁 京兆角音周景王子 朝之後 晁亦作晁 衛大夫 史晁  
亦為氏

漢 晁錯 潁川人學申韓刑名以文學為太常掌故文帝  
遣受尚書於伏生遷太子家令號智囊數上書

言邊事皆見嘉納景  
帝時遷御史大夫

南 晁清 遼東人祖暉魏濟州刺史潁川公清襲爵例降  
北 晁清 為伯為梁城戍將梁師攻圍糧盡城陷清抗節

不屈為賊所殺宣武褒美贈  
道陵太守謚曰忠子榮賓襲

晁崇 字子業善天文  
術數拜太史令

唐 晁次膺 工于詞宣和  
間克協律郎

宋 晁迥 字明遠清豐人舉進士為大理評事歷殿中丞  
真宗在東宮諭德楊礪稱其學行真宗稱為好

學長者景祐中為翰林學士時朝廷方修禮文  
之士詔令多出其手以太子少保工部尚書致

任年八十二召燕太清樓訪以洪範雨暘之應  
謚文元迴善吐納養生之術性樂易寬簡服道

履正歷官莅事未嘗挾情害物所著有翰林集  
三十卷道院集十五卷法藏碎金十卷等書

晁宗慤

字世良迴子以父廕為秘書省校書郎召試  
賜進士及第康定中為翰林學士一夕草將

相五制父子掌誥褒揚訓誠人得所  
宜歷資政殿學士工部尚書謚文莊

晁宗恪

字世恭尚書遺之子為人樂易慈恕寡言笑  
不易喜怒之色以世父文元公蔭補將作監

丞歷知信州光祿卿所至多修弛廢  
督守疆興學宇誘引善類人皆安之

晁宗裕

字孝先原州人登進士第試秘書省校書郎  
歷青州從事改著作佐郎知常熟縣遷秘書

丞

晁宗諒

端拱進士

晁宗儒

淳化進士

晁宗簡

淳化進士  
尚書

晁仲熙

字子政文元公孫以蔭授將作監主簿以才稱歷太子右贊善虞部比部員外郎知均州

民有偽稱齋御供者所過邀饋公辨其欺寘之法遠近皆驚判南京國子監請祠凡十餘年杜

門蕭散樵蘇不入而幾微未嘗見於色生平忠信坦夷寬裕不矜伐君子以為有文元之風

晁仲詢

字芻民宗愿之子性穎敏黃魯直一見奇之贈篇有云嘆君豪甚倚天劍五試禮部不奏

名退居任城事親而樂公燕四方賓客不間於三日又勤施遠近不顧室中有無人皆嘆德宇

難窺仲詢風儀凝重不妄言笑一喜  
怒猶儼若子三人端規端矩端準

晁仲約

慶厯進士  
正奉大夫

晁仲行

慶厯進士  
陝西轉運使

晁仲綽

慶厯進士  
光祿大夫

晁端稟

字大受文莊宗愨之孫仲行之子號寂默居  
士為文捷敏早有名譽第進士歷知堯山縣

其為令與邑子講習經藝翕然宗仰之然不樂  
仕進晚尤自放於酒所著雜文數千言及古今  
得失之辨郊  
島不能逮也

晁端彥

字美叔仲行之子說之之父也與章子厚同  
生乙亥同榜及第又同為館職常以三同相

呼紹聖初子厚入相美叔見其施設大與在金山時所言背因進竭力諫之子厚怒黜為陝守

美叔謂所親曰三同今百不同矣歷秘書少監開府儀同三司文章字法朝野宗尚

晁端友

字君成文元公曾源補之之父沈靜清介工文詞尤長於詩常自晦匿不求人知早登進

士從仕二十餘年為著作佐郎詩文清厚靜深每篇輒出新意奇語蘇軾嘗叙其文

晁端仁

治平進士

晁端弼

治平進士中奉大夫

晁端本

治平進士大理丞

晁端誠

熙寧進士

晁端禮

熙寧進士  
朝議大夫

晁端聲

元符  
進士

晁端義

計偕科判  
高郵軍

晁端知

計偕科通  
判徐州

晁載之

字伯羽公武世父也登進士黃魯直嘗薦之  
於蘇子瞻云晁伯羽謹厚守文元家法從游

多長者後官封  
邱丞朝散大夫

晁補之

字无咎鉅野人宗慤曾源才氣飄逸嗜學不  
倦蘇軾稱其博雋偉必顯于世舉進士以

禮部郎中知泗州自  
號歸來子忘情任進



晁謙之

字恭道澶州人渡江親族離散謙之極力收恤因居信州仕至敷文閣直學士卒葬鉛山

鷺湖子孫

因家焉

晁冲之

字叔用少有才華受知于後山呂居仁江西詩派圖二十五人冲之與焉有詩云男兒更

老氣如虹短髮何嫌亂似蓬欲問桃花借顏色未甘著笑向東風紹聖初落黨中公超然家於

具茨之下屢薦不應有具茨集

晁說之

字以道文元公玄孫少日激昂刻意經史慕司馬文正為人自號景迂登進士年始三十

蘇子瞻以文章典麗可備著述科又荐公於朝以為自得之學不踐陳迹元符中入黨籍放斥不許入國門後終於徽猷閣待制公博極羣書通六經尤精於易傳所著有闕語等書行於世

晁詠之

字之道說之弟少有異材東坡為揚州時詠之兄補之為倅以詠之詩獻坡坡曰有才

如此獨不令一識面手後謁坡坡又挽而上之謂坐客曰此奇士也後舉宏詞第一元符末以

黨籍廢斥公天才英特為文章立成明潤密綴官終左大中大夫子公道公昂公逸公肖

晁公武

字子止冲之子乾道初知興元府東坡先百廢具舉庭無滯訟稱為良吏世號昭德先

生

晁公邁

字伯臯號傳密居士詠之季子從父廕補官將仕郎公在宣和之間有盛名顧以黨家不

敢取靖康初禁解為開封府刑曹豪強無所避公性狷介雖臨事盡職少拂意便飄然去傲視

憂患卒不動心

晁公遯

字子四紹興八年進士公有絕人之資承五世文獻之傳憑厚積深故其文雄深雅健鉅

麗俊偉以是擅名于時歷官朝奉大夫

晁公諤

端義之孫資性穎異少能克紹家訓篤於孝友嘗剗股以起母以叔謙之恩補將任郎歷

廣昌令公宦情素薄臨事不苟守正不撓為時所稱

晁子真

字點仲詠之孫居撫州公雅靜重道練世故以耆年賜爵迪功郎拜恩已即卷衣冠藏

之自號清谷居士子一人百谷

晁維岳

字仲賢穰人登進士第歷官尚書屯田員外郎賜緋衣銀魚進朝奉郎性夷淡寡言事親

孝初知三水受誣不辨再知羅山縣會新法行乃曰是非吾所能也遂乞分司兩京卒葬州西

之禮義鄉有奉  
議郎霍荒碑記

晁無斁

有李廷珪墨半九山谷詩云便令  
悅帽管城公小試玉堂揮翰手

晁元忠

能詩山谷答書云未識足下之面而得足下  
之詩興起深遠鬱然類騷又寄以詩云著書

蓬蒿底端  
有古人風

晁顯

字顯卿巢人其先鄆城人文元公喬泰定丙寅  
為平江路總管以廉自律人不敢以私謁申教

化勸農桑尤痛革奸弊為  
當時治首任至平江府

晁伯

字鑰庭中進士第黃魯直嘗薦之於蘇子瞻子  
瞻曰伯宇詩騷細看甚奇麗信乎其家多異才

也雖然凡文至足之餘溢為奇偉今晁文涉奇  
似太早可作切磋之語以告之非謂其偉也恐

傷其邁往之氣耳後卒官封邱丞所著有封邱集行于世

晁百

字元默臨川人通經學尤深於春秋淳熙進士教授吉州時權臣開邊有當進剛正以強

本國之對出知南康軍人仕四十年家無餘財

明 晁肅

淮安人洪武中知武強撫字有方徵科平允尋陞兵部主事

晁邦憲

巢縣人國初蚤從和州歸附洪武二年敕授承直郎侍儀司引進使

晁讓

東陽人成化中鉅鹿縣教諭

晁盡孝

高陽人成化進士知渭南守已愛民歷副使

晁瀛

山西平陸人正德中知合水縣值兵荒之際恩及黎庶咸樂更生

晁或

清豐人正德中  
四川都司斷事

晁瑛

開州人字君石號春陵嘉靖進士翰林修撰國  
子司業性行端雅文學俊逸為翰林稱首子東

吳有  
文名

晁東

吳進士叔泰翰林檢討瑛次子也幼負奇弱冠登  
秦漢語恥與俗軌軒輊尤善榻古書法每自心

得偶臨作趙松雪書以散置卷中明者莫能辨  
也在館中相劇切必曰強學慎行宰相以下折

節與交比之黃叔度云咸以為卿輔不足為而  
得年二十三當甲寅上書移疾歸遂以其年冬

困篤父瑛手錄其遺文總四卷墨蹟一卷名之

曰識  
痛錄

橋 黃帝葬橋山子孫守冢因為氏焉望出梁國

周橋庇 魯人明易學

橋仁 從大戴學註禮記四十九篇號橋君學小戴以博士論石渠投禮記於梁人橋仁楊榮由是有

橋楊之學漢武帝大鴻臚

橋扈 雲中太守

三橋玄 字公祖見曹操而異之操後經玄墓祠以斗酒復雞感其知己也建寧中為司空遷太尉

橋瑁 字元緯東郡太守與袁紹起兵討曹操

橋蕤 呂布將

明橋宗義

曲沃人成化中什仿縣丞

喬

梁國角音本作橋其後有去木為喬者又云匈奴貴姓又望出馮翊

晉

喬智朗

字元達鮮卑前部人仕晉為隆慮令以德行者稱號曰神君

南  
北  
喬順

二子隱湘州棲霞谷服飛龍藥二十年不飢文帝詩云西山有仙童不飲亦不食

唐

喬知之

喬彞

宋

喬疎

高郵人以學行推于時教授鄉里從之學者多以文行知名而淮南數百里間高郵若齊魯自

疎發之孫覺其徒也



喬執中

高郵人舉進士累官給事中刑部侍郎執中寬厚有仁心屢典刑獄雪活以百數紹聖初

出知鄆州與孫秦齊名號三賢

喬維岳

字伯周太宗時為淮南轉運使嘗按部至泗州慮獄法掾誤斷囚至死維岳詰之法掾俯

伏且泣曰有母年八十餘今獲罪則母不能活矣維岳憫之因謂曰他日朝制按問第云轉運使令處茲罪卒如其言獲免維岳坐贖金百二十斤

喬行簡

字壽明東陽人紹熙進士端平間累官左右丞相與鄭清之同心革弊召用善類進少傅

封益國公尋求去除少師以魯國公致仕卒謚文惠

喬夢符

東陽人淳熙間進士累官大理正鞠獄嚴明不畏權勢進監察御史奸佞為之喪膽既卒

子孫蕃衍  
竝登華要

喬大臨

政和間為海鹽令時平江朱勳以花石得幸其蒼頭至海鹽甚橫大臨追逮杖十餘人坐

是罷官士  
論高之

喬同

學道年八十益壯坡詩云結茅松山啖松腴炯然蓮花出泥塗爾來八十胷垂胡上山如飛噴

扶人

喬叙

字禹功為太傅知欽州坡詩云喬侯瑚璉質清廣常薦盥再知施州坡詩愧無負郭田二頃空

有載行  
書五車

元喬彙

晉寧人性高介為詩文有法自號芸齋至正中賊陷晉寧城中死者十二三彙整衣冠聚妻子

家有大井彛坐井上令妻子輩循次投井  
中而已隨赴之贈彛臨汾縣尹諡純潔

明 喬岳

字伯宗長興人洪武間由歲貢選入史館永樂  
初授監察御史巡按雲南安撫夷民清理屯田

興學校政績頗著又奉敕差廣西招  
諭九溪土官居官清謹毋憂不復仕

喬穩

章邱人幼警敏狀貌奇偉通曉法律洪武中以  
人才薦授北平府理問太宗兵過歷下獻策稱

旨陞北平按察使屢陞行在刑部左侍郎公以  
布素感激知過犯顏直諫被譴責幾死者三尋

歸乞

喬毅

樂平人宣德進  
士工部侍郎

喬誠

朝邑人由太學生歷官勤能陞山西布政司  
左叅政處心忠信措事寬平人稱為長者

喬縉

字廷儀洛陽人成化進士授兵部主事後擢山西叅議少穎敏師事河東薛瑄所著有性理解

感等

書

喬宇

字希大樂平人成化進士歷官少保吏部尚書謚莊簡父鳳職方郎中兄宗同舉進士歷官叅

政武廟駐蹕留都能持正鎮靜以

馭江彬卒護開社稷功也

喬通

字世亨臨清人領弘治己酉鄉貢任河南登封教諭陞國子助教尋轉監察御史在登封時教

育生徒思養備至有善必成有過必殺貧乏不

能自存者捐俸振周暨歷清要節操愈堅祀名

祠官

喬璽

山後人正德辛未薊盜劉六等率眾萬餘攻東明璽以指揮從遊擊將軍許泰奉命擊賊時被

圍三日將陷璽為先鋒帥眾突至大戰於城東賊眾寡關數十合與姜十戶俱戰死己而秦

以重兵繼之賊乃潰散城賴以全

喬世寧

字景叔耀州人嘉靖乙酉鄉試第一戊戌進士歷官山西按察使以母憂去感時事不復

出嘗督學楚中勁直明敏才思渙發文宗秦漢下筆數千言淵淵不匱時楚士文體尚拘故習一洗而新之士始知文義之妙欣欣然淬勵矣屢揭試所舉者皆造就名士楚地曠廣仕四載凡四歷日閱三百卷辰試酉發車無停轍文學行誼為時所重

苗東陽羽音楚大夫伯芬之子賁皇奔晉又與之苗因氏焉又望出上黨濟陰

周苗賁皇

楚令尹闞椒之子闞椒作亂楚莊王殺之而滅其族成公二年賁皇來奔公以為大夫

漢苗浦

長水校尉

苗訢

王莽時人

晉苗金符

撰古今通要四卷

唐苗晉卿

字元輔，壺關人。以儒素稱，舉進士，累官中書舍人，知吏部選事。後為魏郡太守，政化大行。

肅宗時，拜左相，卒。謚懿獻子，祭官至郎中。

苗愔

長慶二年登第，次弟。愔為虞部郎，與修禊會。

苗蕃

少喪父，受業于母夫人。第進士，韓愈為作墓誌。銘有云：有行以為本，有文以為華。為太原府參

軍

苗發

大厯中十才子中人

苗拯

上黨人峭直有學術以諫議大夫貶萬州

五代

苗昌裔

為司天監相地西洛

苗訓

宋太祖善天文占候之術周末以散指揮使從宋太祖征視日上復有一日久相摩盪指謂楚昭輔曰此天命也後累官檢校工部尚書子守信知算造乾元厯累官至司天少監

苗舜臣

天監中為司天監主簿

苗振

仁宗朝及第召試館職晏殊曰宜稍溫習振曰安有三十年老娘而倒棚孩兒者乎既試果不中

苗時中

其先自壺關徙宿州以蔭主寧陵簿有善政  
熙寧中為梓州轉運副使韓存寶討蠻軍行

時中以糧道遠創為攢運法食以不乏遷闕  
東轉運使加至寶文閣待制終戶部侍郎

苗授

字受之潞州人父京嘗守麟州以抗趙元昊授  
少受學胡瑗從王韶取鎮洮又破鬼章以功累

官果州團練使元祐中遷殿前副都指揮使卒  
謚莊敏子履積功官至捧日天武都指揮使知

渭州

苗綬

熙河副總管討降生羌威震洮西又  
知熙州與李憲取定西城遂城蘭州

苗履

元符初以熙河蘭會都鈐轄知蘭州  
與姚雄合兵討峽羌焚其簇帳而還

苗再成

不知何許人守真州慷慨有大志德佑二年  
文天祥亡入真州再成延入城定計抗元兵



後城陷不屈而死

元苗益

知龍陽州洞寇侵掠人民饑饉益賑濟保撫之如子民視之如父母後陞常德路總管

苗好謙

武城人為司農丞勤于職務著農桑輯要行于世官至河南江北行中書省叅知政事

明苗衷

定遠人永樂中登進士第二擢翰林院編修屢典文衡預修寶錄正統初用楊士奇薦為經筵講官學術醇正士林推重歷陞兵部侍郎兼本院學士入內閣與機務進兵部尚書致仕卒年八十贈少保謚文康

苗澂

臨邑人洪武進士按察使

苗敏學

字以勤山西平定人嘉靖丁未進士

鈿 穎川音姚見姓苑

漢 鈿期

穎川鄉人父猛為桂陽太守卒期喪三年鄉里稱之期容貌絕異矜嚴有威光武略地穎川召

署掾從徇薊後為鄧禹裨將所至有功封安成侯後拜衛尉期重信義自為將有所降下未嘗

虜掠在朝憂國憂主能犯顏諫諍卒謚忠侯子丹純俱為侯

堯

上黨角音帝堯之後支孫以為氏

晉 堯須

撰驚擊錄一卷

南 堯暄

字辟邪長子人聰了美容貌為千人軍將太武以其恭謹推為中散為東道十三州使

堯雄

字休武暄孫少驍果輕財重氣位豫州刺史平城縣公時官司相與聚斂惟雄義然後取接下

以恩甚為吏民所  
懷子師儀同三司

隋 堯君素

湯陰人任為鷹擊將軍大業末從屈突通拒唐師于河東通軍敗左右請降君素不從越

王侗見而嘆之拜金紫光祿大夫後死節

宋

堯允恭

字克遜海陵人景定咸淳兩領鄉薦宋亡專意經傳邃于易深得性命之理江浙行省兩

檄克濂溪東川書院長允恭皆不赴安貧樂善學者多從游自號觀物老人大司農燕公嘗稱其古心絕俗清氣逼人  
人有詩文二十卷

堯宗堯

元符進士  
內江人

明 堯暄

邵武人正統進賢縣教諭

堯卿

四川安居人成化進士太僕寺丞

堯紹

字廷述潮陽人成化中任廣西右叅議

堯弼

內江人正德進士

要魯郡羽音吳人要離之後音胥平聲

周要離

刺客也吳公子光誣殺王僚憂其子慶忌在隣國計于子胥進要離離曰吾詐負罪出奔殺吾

妻子且出怨言慶忌必信乃行殺其妻子于市怨言聞于諸侯見慶忌于衛言計而喜與之俱

渡江刺慶忌乃投要離于水三掉其頭慶忌謂左右曰莫殺之令還吳以旌其忠離至江陵伏

報劍以

漢 要兢 河南

唐 要珍 朔方大將軍

明 要聚剛 崞縣人 永樂貢士

要綉 成安人 成化中女為憲廟妃 拜光祿署正

要毅 南和人 正德中涇陽縣知縣

昭 楚之三族姓 苑云屈原之後

周 昭奚恤 楚人 江乙惡之 楚宣王問羣臣曰 北方畏昭奚恤也 其實

畏王之甲兵也

昭睢 楚懷王留于秦太子為質于秦大臣欲立懷王  
子在國者昭睢曰王與太子俱困于諸侯又恃

王命而立其庶子不宜乃詐赴  
于齊用計歸其太子立為王

昭過

晉人

昭清

楚人  
謀士

昭魚

魏相田需死楚相魚蘇代曰田需死吾恐張儀  
犀首薛公有一人相魏也曰然魚曰吾欲太子

之自相也代曰請  
為君北必相之

昭陽

楚懷王時五國約伐秦陽曰五國若破秦必南  
圖夫韓輔國也厚賂之以利其心必悉兵以拒

之五國可敗王從之使陽將兵  
代魏於襄陵得八邑封上柱國

漢 昭猛 為大 鴻臚

昭普 廬陵 人

宋 昭肅 英州 參軍

昭迴 眉州 人 元 祐進士

招 望出南海 晉步招之後 以名為氏

周 招父 魯僖公十七年 夏晉太子圉為質于秦 秦歸河 東而妻之 惠公之在梁也 梁伯妻之 梁嬴孕過

期卜招父與其子卜之 其子曰將生一男一女 招曰然 男為人臣女為人妾 故名男曰圉女曰

妾及子圉 西質 妾為宦女焉

漢招猛南海人元初中官至大鴻臚儀行事猛舉詔眎之

悉愜其情

明招用

潮陽人永樂舉人

招文遠南海人正統中光澤縣學訓導

招于萃廣樂人正德中融縣知縣

招宗廣廣樂人嘉靖間蕪湖縣知縣

招益賢廣樂人隆慶間蘇州府通判

僚宜僚之後



周僚安 晉大夫

僚祖

魯寺人

搖 東越王搖之後以王父名為氏會稽

漢搖母餘

功臣封海陽侯

明搖昌

南平人永樂中句容縣學教諭

聊 潁川

漢聊蒼

侍中著書號聊子

聊廣園

洛下人

欽定四庫全書

萬姓統譜

二十八

聊謀 賴川太守 著萬姓譜

宋 聊世能 太中大夫

明 聊讓 蘭縣人景泰進士天順中知南昌縣或有過輒納  
一以愛民為主時鎮守中官恣橫

冠帶求去由是中官不能害之

聊珠 越雋衛人正德中任湖口縣教諭

超 見元和姓纂

漢 超喜 太僕

宋 超必焜 紹定進士 綿州人

明超童

永樂中贛州衛千戶

超華

宜黃人正德中任衛經歷

寥

明寥貴

鄆西人天順間永春縣丞

寥喟

閩中人弘治舉人

朝

音昭

周朝吾

蔡大夫

貂

見姓苑

周 貂勃齊臣

麇 音魚 風俗通 秦將 麇王之後

周 麇公秦將

麇 歌魯人

漢 麇宣太守

麇 祀

鄆 太原趙大夫食采深澤鄆邑因氏焉又望出鉅鹿

周 鄆單字子家 孔子弟子

澆

明澆或

成化間以副總兵征松茂謀勇過人督率軍士搜羅山寨夷人遠遁迄今威望尚存

雕

見姓苑

漢雕延年

功臣封臧馬侯

瓢

明瓢雄

太和人正德中長陽縣典史

條

見姓苑殷賢人七族有條氏今宛句有之

晉條攸

安定人司空

條冉

劍

明 劍朝佩

三河人萬厯間廣  
西梧州衛指揮

么 見姓苑

明 么謙

湯陰人弘治中  
任通州學訓導

么 桓

真定府定州人嘉靖  
中直隸無錫縣丞

稍

明 稍騰漢

安定人正德  
中任知州

椒 見姓苑楚伍參之後或為伍氏或為椒氏

周椒舉 楚大夫楚靈王使舉來聘且求諸侯

漢椒欽 大名

朝朝 見之朝

南北朝景煥 撰野人閑話六卷

唐朝衛 拾遺

宋朝思誠 宣和四年任湖州刺史

明朝祉 合肥人洪武中任洛陽訓導

大邑四庫全書

萬姓統譜

三十一

朝泰言

曹州人正德中任永豐縣丞

韶

州名見姓苑望出太原今開封有此姓

音韶石

中牟令

明韶護

岐山人洪武二十九年自戶部主事遷崑山典史勤恪敏達事無凝滯歷陞按察僉事

寮

見姓苑

隋寮允

後魏侍中

徭

東越王徭勾踐之後

漢徭偉

更始將鎮淮陽



腰

明

河南尉氏  
縣有腰氏

僑

黃帝孫僑極之後

遼

何氏姓苑有遼氏

蛸

子姓即蕭氏齊武帝以巴東王子響叛逆改為蛸氏

臬

隋煬帝誅楊元感改其姓為臬氏

僥

見姓苑

調

見姓苑周禮有調人其後氏焉

桃 見姓苑

囂 玄囂之後世本云亦作楊

茗 見姓苑

朝 音招出直音

鳩 音刁鷄屬見直音

萬姓統譜卷三十